

## COMUNICADO DI PRENSA

# DutchCulture ta cuminsa un programa piloto pa cooperacionnan di herencia cultural entre e parti Caribense di e Reino y Europa

Profesionalnan (den formacion) den e ramo di herencia cultural for di Aruba, Boneiro, Corsou, Saba, St. Maarten y St. Eustatius por aplica awo pa un subsidio di biahe di €1500 den e programa 'Europe + Heritage' di DutchCulture pa bishita un partner Europeo pa intercambio di conocemento. Tambe ta posibel uza e fondo aki pa invita profesionalnan Europeo den e ramo di herencia cultura pa bishita e islanan. Ademas, ta posible pa aplica pa un subsidio di cooperacion cu un partner Europeo di €5000 na e areglo di *Ondersteuningsregeling* di e programa 'Europe + Heritage'.

### Programa Piloto

E programa di 'Europe + Heritage' di DutchCulture ta enfoca riba e introduccion y e intercambio di conocemento den e tereno di herencia cultural. Organisacionnan y profesionalnan di herencia cultural, como tambe empleadonan di municipalidad den tereno di herencia cultural for di henter e Reino por haci aplicacion pa e areglo di *Ondersteuningregeling* y *Reiskostenregeling*. Mirando cu e compensacion usual di gasto di biahe di €250 ta insuficiente pa applicantenan for di e parti Caribense di e Reino, a dicidi di aumenta aumenta esaki te na €1500 cu e programa piloto aki.

### Aplicacion

Aplica pa e regulacionnan di Europe + Heritage ta hopi simpel y por wordo haci continuamente, sin fecha limite. Por haya e formulario di aplicacion na Hulandes y na Ingles riba e [website](#) di DutchCulture. Applicantenan ta haya contesta den dos siman. Di e forma aki, nan por cuminsa cu nan proyecto internacional sin tardansa. DutchCulture ta invita specificamente profesionalnan hoben pa manda nan aplicacion. For di 2021, DutchCulture a apoya mas cu setenta biahe y proyecto cu e programa di Europe + Heritage.

Visit  
Herengracht 474  
1017 CA Amsterdam  
The Netherlands

Post  
Postbus 15648  
1001 NC Amsterdam  
The Netherlands

Telephone  
+31 (0)20 616 4225  
[dutchculture.nl](http://dutchculture.nl)

# DutchCu l ture

Centre for  
international  
cooperation

## **Programa di Europe + Heritage DutchCulture 2021 - 2024**

DutchCulture ta stimula, informa y ta ofrece apoyo den e campo cultural di e Reino di Hulanda cu colaboracionnan internacional. Den e periodo di 2021 te cu 2024, DutchCulture ta compromete pa fomenta conocemento, intercambio di conocemento y cooperacion entre henter e Reino y Europa den tereno di patrimonio cultural, pa medio di e programa di Europe + Heritage. Pa e proposito aki, tin disponibel un Reiskostenregeling y un Ondersteuningsregeling.

---

— FIN DI COMUNICADO —

### NOTA PA E REDACCION

Pa mas informacion tocante e programa [Europe + Heritage](#) of pa asesoria por tuma contacto cu Jacomine Hendrikse, consehero Europe + Heritage via [j.hendrikse@dutchculture.nl](mailto:j.hendrikse@dutchculture.nl)